



Broj: 06-09-1-43-1/2025
Sarajevo, 07.01.2025. godine

SVA TUŽILAŠTVA U BOSNI I HERCEGOVINI

N/r Glavnog tužioca

Predmet: Novi Kriteriji za ocjenjivanje rada nosilaca pravosudnih funkcija u tužilaštvima u Bosni i Hercegovini, *informacija dostavlja se*

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) je, na sjednici održanoj 08. i 09.11.2023. godine, donijelo zaključak da se u narednom periodu razmotre izmjene Kriterija za ocjenjivanje rezultata rada nosilaca pravosudnih funkcija u sudovima i tužilaštvima na način da se Analitička ocjena predvidi kao jedan od elemenata ocjene rada nosilaca pravosudnih funkcija u sudovima i tužilaštvima u Bosni i Hercegovini.

Shodno navedenom zaključku, VSTV BiH je na sjednici održanoj 18.12.2024. godine usvojilo nove kriterije za ocjenjivanje rada nosilaca pravosudnih funkcija u tužilaštvima u Bosni i Hercegovini:

- Kriteriji za ocjenjivanje rada tužilaca u Bosni i Hercegovini;
- Kriteriji za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini;
- Kriteriji za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine.

Kriteriji su objavljeni dana 27.12.2024. godine u Službenom glasniku BiH (broj: 90/24), te su stupili na snagu danom njihovog objavljivanja. Novi kriteriji se primjenjuju na praćenje rada nosilaca pravosudnih funkcija od početka ove godine, s tim da će glavni tužioci prvi put ocijeniti rad nosilaca pravosudnih funkcija u tužilaštvima prema ovim kriterijima početkom 2026. godine, uključujući i analitičko ocjenjivanje, u roku od 90 dana po zavšetku 2025. godine.

Također, novi kriteriji su objavljeni na internet portalu VSTV BiH:
<https://vstv.pravosudje.ba/vstvfo/B/141/article/143275>.

Na prethodno navedenoj adresi na internet portalu VSTV BiH, objavljeni su i obrasci potrebni za formiranje izvora informacija za ocjenjivanje i za provođenje ocjenjivanja rada nosilaca pravosudnih funkcija u tužilaštvima, u skladu sa članom 40. Kriterija za ocjenjivanje rada tužilaca u BiH, članom 49. Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u BiH i članom 26. Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i

Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine.

Nakon konsultacija VSTV BiH sa tužilaštvima i udruženjima tužilaca o Nacrtima kriterija za ocjenjivanje rada nosilaca pravosudnih funkcija u BiH, koji su utvrđeni na sjednici VSTV BiH održanoj 15. i 16.05.2024. godine, u usvojenim kriterijima smanjen je broj bodova za element ocjene rada Analitička ocjena - sa 0 do 30 na 0 do 10 bodova. Povećan je broj bodova za Statistički kvalitet odluka – sa 0 do 30 na 0 do 50 bodova. Statistički kvalitet odluka se utvrđuje na osnovu ostvarenog kvaliteta optužnica i ostvarenog kvaliteta naredbi o neprovođenju i obustavi istraga. Za kvantitativne elemente ocjene rada predviđeno je 40 bodova, odnosno od 0 do 30 bodova za element ocjene rada Ostvarena orijentaciona norma i 0 do 10 bodova za element ocjene rada Realizacija plana rješavanja starih predmeta.

Skreće se pažnja glavnim tužiocima da su odgovorni za organizaciju i nadzor nad provođenjem poslova od početka 2025. godine, u cilju pravilnog i blagovremenog formiranja svih izvora informacija za bodovanje od strane glavnih tužilaca uspješnosti rada ocjenjivanih tužilaca po osnovu Analitičke ocjene. Pomenuti izvori informacija su propisani članom 23. Kriterija za ocjenjivanje rada tužilaca u BiH. U nastavku ovog dopisa apostrofiraju se obaveze glavnih tužilaca u vezi sa provođenjem priprema za formiranje tri izvora informacija za analitičko ocjenjivanje rada tužilaca: Mišljenje zamjenika glavnog tužioca (u daljem tekstu: Mišljenje), Pregled nasumično odabranih predmeta od strane ocjenjivača i Mišljenje entitetskog tužilaštva.

Prije svega, glavni tužioci su dužni da u saradnji sa zamjenicima glavnih tužilaca bez odlaganja provedu aktivnosti za pravilnu primjenu novih kriterija u vezi sa formiranjem Mišljenja, shodno odredbama člana 25. Kriterija za ocjenjivanje rada tužilaca u BiH. Naime, navedenim odredbama Kriterija za ocjenjivanje rada tužilaca u BiH predviđeno je da se Mišljenje zasniva na kontinuiranom praćenju i vođenju zabilješki o ukupnom radu ocjenjivanog tužioca. Mišljenje mora da sadrži obrazloženu i dokumentovanu procjenu uspješnosti u odnosu na podkriterije iz člana 22. Kriterija za ocjenjivanje rada tužilaca u BiH. Zabilješke i pismeno mišljenje zamjenik glavnog tužioca će sačiniti na obrascima broj 6. i 8.

Pored navedenog, a u odnosu na izvor informacija Pregled nasumično odabranih predmeta od strane ocjenjivača, u skladu sa članom 24. Kriterija za ocjenjivanje rada tužilaca u BiH glavni tužilac je dužan da donese poseban plan analitičkog pregleda predmeta tužilaštva kojim rukovodi na način da se osigura da se za svakog ocjenjivanog tužioca, zamjenika glavnog tužioca, šefa odjela izvrši nasumični odabir i pregled predmeta, te da se izradi izvještaj o pregledu predmeta, u dvije faze tokom perioda ocjenjivanja, odnosno za 2 (dva) predmeta najkasnije do 30.09. i za preostali 1 (jedan) predmet najkasnije do 31.12. u periodu za koji se vrši ocjenjivanje.

Kada je u pitanju Mišljenje entitetskog tužilaštva predviđeno u odredbi člana 26. Kriterija za ocjenjivanje rada tužilaca u BiH, glavni entitetski tužioci su dužni da bez odlaganja provedu pripreme za primjenu navedene odredbe Kriterija za ocjenjivanje rada tužilaca u BiH, kojom se reguliše način izdvajanja predmeta kantonalnih/okružnih javnih tužilaštava sa vanrednim karakteristikama i način njihovog evidentiranja tokom perioda ocjenjivanja radi dostavljanja mišljenja glavnom tužiocu kantonalnog/okružnog javnog tužilaštva. Inače, shodno odredbi člana 26. Kriterija za ocjenjivanje rada tužilaca u BiH, entitetsko tužilaštvo dostavlja predmetno mišljenje kantonalnom/okružnom tužilaštvu u roku od 10 (deset) dana od dana održavanja redovne sjednice Kolegija tužilaštva.

U skladu sa uobičajenom praksom, VSTV BiH će u narednom periodu donijeti Uputstvo za primjenu novih kriterija, a koje će nakon usvajanja biti objavljeno na internet portalu VSTV BiH, o čemu ćemo vas blagovremeno obavijestiti.

Prednje vam se dostavlja na znanje.

S poštovanjem,

Dostaviti:

- Naslovu,
- Udruženjima tužilaca,
- Svim tužiocima,
- a/a.



Predsjednik VSTV BiH

Halil Lagumdžija